

PLATO Philosophus ille celeberimus menti humanæ noticias, quæ sunt artium & scientiarum omnium fundamenta, esse quasi insculptas & impressas actu tradidit, quarum remembrance & repetitione omnes doctrinas capi & cognosci à quoquam posse; Quod ut probet, introducit puerum adhuc tenerum, rudem & literis incultum, cum quo ita interrogations geometricas instituit, ut puer ad quæstiones omnes rectè respondere animadvertisatur, & nolens volensque sive inscius, in media tam arduæ scientiæ penetralia pervenisse. Unde omnem doctrinam & disciplinam non ab initio disci vel hauriri, sed saltem recordatione in animum revocari & revolvi à pueris statuit, colludens ad magnum suum annum, quo ante 48. millia annorum solarium eadem personæ, res & actiones, ante cœli revolutionem, eodem modo, quo nunc, extitisse ab eo dicebantur: Verùm hæc esse absque ullo veritatis fundamento somniis persimilia, nemo non intelligit. Esse nobis insitas quasdā scintillas noticiarum, merásq; potentias, in actum per usum & institutionem reducendas, non negamus, sed eas essetantas & tales: ut artium & scientiarum absque ullo præcedente cultu sint seminaria, inficias imus: Unde igitur scientiæ & artes provenerunt, si homines non eas invenerint, an ex cœlo vel à Diis gentium primitus traditæ fuerunt, quærerent alii? Respondeo, aliud est dicere, sub cineribus tegi prunas ardentes tantâ copiâ, ut si saltem, remotis cineribus proferantur, sufficiat ad ciborum coctionem aut calefactionem frigidorum nostrorum artuum, aliud est, affirmare saltem scintillas exiguae ibilatere, quæ antequam sint usui ad coctionem aut calefactionem, industriâ, arte & curâ humanâ fovendæ, excolendæ & augendæ sint suis fomitibus, alias facile extingui posse, & in frigidos cineres totas redigi: Ultimum Aristotelici, primum Platonici assertunt: At ultimo astipulatur ratio & Experientia, primo saltem phantasia seu imaginatio. Unde quærri posset, cur Plato suæ scholæ ostio inscripsit, Geometriæ rudem in id non admitti, cùm & puerulos eam actu scire affirmanit? An sunt homines fortè pueris ineruditiores? Aut quæ pueri sciunt, an adultiores illa oblivioni tradiderunt?